

բավարարված հայցապահանջների չափին համամասնորեն:

**ՀՀ քաղաքացիական դատավարության օրենսգրքի 108-րդ հոդվածի 1-ին մասի** համաձայն՝ **Դատական ծախսերի հետ կապված պահանջները ներկայացվում են բացառապես տվյալ գործի շրջանակներում՝ գրավոր միջնորդության տեսքով:** Նման պահանջից հրաժարվելու կամ **այդ կարգը չպահպանելու դեպքում դատական ծախսերի հատուցման հարցը համարվում է լուծված:**

Հաշվի առնելով այն հանգամանքը, որ Հայցվորը հայցադիմում ներկայացնելիս նախապես վճարել է օրենքով սահմանված չափով պետական տուրքի գումարները և հայցը բավարարվում է, ինչպես նաև հիմք ընդունելով այն, որ Հայցվորի կողմից պետական տուրքի մասով **գրավոր միջնորդություն է ներկայացվել Դատարան, հետևաբար՝** Դատարանը գտնում է, որ Պատասխանողից հօգուտ Հայցվորի պետք է բռնագանձել 30 000.00 ՀՀ դրամ՝ որպես վճարված պետական տուրքի գումար:

**Դատարանը, նկատի ունենալով նաև, որ սույն քաղաքացիական գործի քննության հետ կապված այլ ծախսեր չեն առաջացել, գտնում է, որ դատական ծախսերի հարցը՝ մնացած մասով, պետք է համարել լուծված:**

#### **4. Վճրի օրինական ուժի մեջ մտնելը.**

**ՀՀ քաղաքացիական դատավարության օրենսգրքի 234.12-րդ հոդվածի 1-ին մասի** համաձայն՝ **պատվիրատուի և գնահատող հանձնաժողովի գործողությունների** (անգործության) և **որոշումների բողոքարկման հետ կապված վեճերով դատարանի եզրափակիչ դատական ակտն ուժի մեջ է մտնում** հրապարակման պահից:

Տվյալ դեպքում Հայցվորի կողմից ներկայացվել է պատվիրատուի գործողությունների (անգործության) և որոշումների բողոքարկման հետ կապված հայց, հետևաբար, Դատարանի եզրափակիչ դատական ակտը՝ վճիռն, ուժի մեջ պետք է մտնի հրապարակման պահից:

## **IV**

### **(ԵԶՐԱՓՈՎԿԻՉ ՄԱՍ)**

Առաջնորդվելով վերոգրյալ պատճառաբանությամբ և ղեկավարվելով ՀՀ քաղաքացիական դատավարության օրենսգրքի 27.2 գլխով, 198 և 360-362 հոդվածներով՝ Դատարանը

## **Վ Ճ Ո Ւ Յ**

1. <<Ազատ>> ՄԳԸ-ի ընդդեմ <<Մեղրու տարածաշրջանային բժշկական

կենտրոն>> ՓԲԸ-ի՝ <<Մեղրու տարածաշրջանային բժշկական կենտրոն>> ՓԲԸ-ի կողմից վերջինիս և <<Ազաստ>> ՍՊԸ-ի միջև 10.01.2024 թվականին կնքված թիվ <<ՄՏԲԿ-ԳՀԱՊԶԲ-24/2>> ծածկագրով պայմանագրի թիվ 165 ծանուցումը՝ պայմանագրի միակողմանի մասնակի լուծման մասին, անվավեր ճանաչելու պահանջի մասին հայցը բավարարել ամբողջությամբ.

**1.1. անվավեր ճանաչել <<Մեղրու տարածաշրջանային բժշկական կենտրոն>> ՓԲԸ-ի տնօրենի 17.07.2024 թվականի <<Պայմանագիրը միակողմանի մասնակի լուծելու մասին>> թիվ 165 ծանուցմամբ <<Մեղրու տարածաշրջանային բժշկական կենտրոն>> ՓԲԸ-ի և <<Ազաստ>> ՍՊԸ-ի միջև 10.01.2024 թվականին կնքված թիվ <<ՄՏԲԿ-ԳՀԱՊԶԲ-24/2-3>> ծածկագրով պայմանագիրը միակողմանի մասնակի լուծումը:**

**2. <<Մեղրու տարածաշրջանային բժշկական կենտրոն>> ՓԲԸ-ից հոգուտ <<Ազաստ>> ՍՊԸ-ի բռնագանձել 30 000.00 ՀՀ դրամ՝ որպես նախապես վճարված պետական տուրքի գումար:**

3. Դատական ծախսերի հարցը՝ մնացած մասով համարել լուծված:

4. Վճիռը կամովին չկատարելու դեպքում այն կկատարվի ՀՀ ԱԾ հարկադիր կատարումն ապահովող ծառայության միջոցով՝ պարտապանի հաշվին:

5. Վճիռն օրինական ուժի մեջ է մտնում հրապարակման պահից:

6. Վճիռը կարող է բողոքարկվել միայն վերաքննության կարգով՝ ՀՀ վերաքննիչ քաղաքացիական դատարան՝ հրապարակման օրվանից մեկամսյա ժամկետում:

Դատավոր՝ **Արման Օհանյան**

